

سنه لکی در سعادت ایچون مجیده
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تَبْلِیغَات

آبونه اولق ایستینلردا اثره عدلیه ده
اداره مخصوصه سنه مراجعت
ایتملدر

اعلاناتک پهرندن بر مجیده اخذ
ایدلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِیغَات

اوقاف هایون خزینه سنک چتالجه لی یورکی ذمتنده
با اعلام محکوم به مطلوبنک تأمین استیفاسی ضمتنده
مدیون مرقومک عهده سنده بولنان آلی پارچه عقاری
حجز اولنهرق دائرة اجراجه بالمزایده طالبی عهده سنه
احاله سنه قرار قطعی ویریلوب مدیون دخی تقریر
فراغه راضی اولمش ایکن عقارات محجوزه مبجوث
عنهادن ایکی قطعه سنک کاملاً و بر قطعه باغک قسماً
مدیون مرقومک میری اورمان اونده لق مأموری
پولیخرون یورکی به وقوع کفالتی حسبیله اورمان
مفتشلیکی جانبندن حجز اولدینی محلی املاک قیدنده
مشروح بولنمش اولسنه بناء دائرة اجراجه فراغ
اجرا سنده تردد ایدلمکده ایسه ده مرقومک کفالتی
مشعر اولان سنک غیر مصدق اولسی و مأمور مومی
الیهک ظهور و نبوت ذمتیله کفیلک صحت کفالتنه دائر
میدانده بر حکم و اعلام بولنامسی خزینه مشارالیهانک
کسب قطعت ایتش اعلامله محکوم مطلوبنک تسویه
سیچون اجرای فراغنده ترده محل بر اقیه جفی
جهتله هان فراغک اجرا سیله بدلک اداره وقفیه به
تماماً تسلیمی هر حاله لازمه دن اولدینی کی هیچ
اولزسه ائمان حاصله سنندن اونده لق اورمان مأموری
ذمتی دینلان مبالغ دخی نظر دفته آلنهرق اونسبت
اوزرینه هرا یکی مطلوبات ایچون آقچه تفریقیه خزینه
اوقافه عائد قسمنک اعطاسی و اوست طرفنک میری
اورمان مطلوبی حقنده حاصل اوله جق نتیجه به کوره
دائرة اجراده توقیفی حقنده چتالجه بدایت محکمه سی
ریاسته تبلیغات اجرایی حقنده اوقاف هایون نظارت
جلیله سنندن وارد اولان تذکره اوزرینه، عقارات
محجوزه اوقاف خزینه سی مطلوبنک محل استیفاسی
اولوب اورمان مفتشلیکی جانبندن عقارات مذکوره
قیدلرینه میری اورمان اونده لق مأمورینه مدیونک
کفالت ایتسی حسبیله فراغ و وقوعنه تأمین اطلاع
ایچون بر معامله احتیاطیه دن عبارت اولق اوزره
ویردیریلان شرحلر محکمه قرارینه مستنداً قانون

دائرة سنده اجرا اولنمش بر حجز قبلندن اولمدیغه کوره
معامله فراغیه نک اجرا سنه قانوناً مانع اوله میه جفی
کی مدیون دخی تقریر فراغه رضاداده اولمش و مجاس
اداره جه مکفول عنک جریان ایتمکده اولدینی سالف
الذکر درکنارلردن اکلاشیلان محاکمه سی هنوز نتیجه
پذیر اولمدیغندن الیوم ذمتی تحقق ایتماش دیمک
اولسیله دائرة اجراجه اصولی دائرة سنده مزایده سی
بالاجرا ختام مدت قانونیه به بناء امر فراغک
اجرا سنه قطعاً قرار ویرلش اولان عقارات محجوزه
مبجوث عنهانک منع فراغیه خزینه مشارالیهانک
کسب قطعت ایتش اعلامله مستند حقوق محکومه سنک
تأخیر استیفاسی جائز اوله مزایده مأمور مومی الیهک
ذمتی ظهورنده حقوق خزینه جلیله نک محافظه سی
دخی لازمه دن بولنسنه و نظارت مشارالیها جانبندن
مأمور مومی الیهک ذمتی ظهورنده بحسب الکفاله
اموال محجوزه دن اورمان اداره سنه عائد مبلغک
بالتفریق محجوز طوتلنسنه موافقت ایدلمکده اولسنه
مبنی خزینتن مشارالیهانک حقوقی تأمین ایدن
بوصورت اشعاره توفیقاً مجموع املاک محجوزه نک
فروختیه ائمانندن محکوم به اولان اوقاف مطلوباتنک
اداره وقفیه به تسلیم و اعطاسی و اوست طرفنک حفظ
و توقیفیه حمزک نقد حقنده اجرایی در سعادت
استیفای مدعی عمومیلکی واسطه سیله ریاست مذکوره به
تبلیغ اولنمشدر .

محاکمات و مقررات

محکمه تمیز حقوق دائرة سنندن اعطا قلنان

۲۱ تموز سنه ۳۱۷ تاریخی اعلامدر :

قیرشهری قصبه سنک آی طوغمش قریه سنده مقیم
الی کوچک اوغلی طویال حسین ایله عریسون قضا سنه
تابع قرقلی قریه سنده ساکن موسی اوغلی خورشید
بیننده متحدث دعوا به دائر قیرشهری سنجایی بدایت
محکمه سی حقوق دائرة سنندن ۱۵ تموز سنه ۳۱۶

تاریخی و درت عددی ایله ویریلان اعلام مرقوم
حسین طرفندن تمیز ایدلمکده اعلام مذکور بالکنز
مستدعینک اعتراض لایحه سیله بالمطالعه تدقیقات تمیزی به
اجرا سنه ابتدار اولندی .
اعلام مذکورک خلاصه مآلی مرقوم خورشید
آی طوغمش قریه سنک قیرتیل هبوکی نام موقعنده
کائن معلوم الحدود یکرمی دویم مقداری بر قطعه
ترلای پدیری موسی حال حیاتسنده مرقوم حسینندن
تفرغ و یکرمی سنه زراعت ایدوب اخیراً پدیرینک
اوچوز اون یدی سنه سنده وقوع وفاته مبنی مذکور
ترلا کندوسنه انتقال ایتسی اوزرینه بش سنه دنبرو
دخی بلا نزاع کندوسی تصرف ایتمکده ایکن مذکور
ترلایه مرقوم حسین فضولی مداخله ایلدیکندن بخله
مداخله واقع سنک منعی طلب و دعوی ایتسی
و مدعی علیه حسین دخی مدعا به ترلای مدعی مرقوم
مک پدیری کندوسندن اشترا ایتش ایسه ده بوبابده
مأمورینک اذنی منضم اولدینی و بویه مأمور ارضک
اذن و اجازتنه مقرون اولقمسزین و قوعبولان فراغ
و معاملات تفویضیه نک قانوناً معتبر اوله میه جفی جهتله
مدعینک اولبابده کی تصرف ادعاسنک ردینی مدافعه
در میان ایتسی اوزرینه محکمه جه اجرا قلنان محاکمه
و تدقیقات نتیجه سنده مدعا به ترلایه مدعی خورشیدک
بلا نزاع یکرمی الی سنه دنبرو متصرف اولدینی جهتله
اراضی قانوننامه سنک ایتش سکنزنجی ماده سی موجبجه
مدعینک حق قراری ثابت اولدینی و بونکله برابر
مذکور ترلایه مدعی علیه مرقوم حسینک فضولی
مداخله ایلدیککی لدی التزکیه عدل و مقبول الشهاده
اولدقلری اکلاشیلان شهود مستمعنک شهادتیه
تحقق ایلدیکندن مدعی علیه مرقومک مذکور ترلایه
فضولی و قوعبولان مداخله سنک منعیله مدعی خورشیده
تسلیمنه حکمدن و علیهنده مستدعی تمیز حسینک
لایحه سنده محرر اعتراضاتک باشلوجه سی اراضی قانون
ننامه هایونی احکامنجه اراضی امیریه نک فروختی
صاحب ارضک و یاخود مأمورینک اذنه متوقف
اولوب صاحب ارضک اذنی منضم اولقمسزین واقع
اولان فراغ معامله سنک کائن لم یکن حکمنده طوبیله

جفی بدیهی ایکن محکمه جه فراغ مذکورک معتبر عدلیه کندوسنک منع مداخله سنه قرار ویرلسی یولسر ومغایر قانون اولدیغندن بحشله اعلامک تقضی استدعاسندن عبارت بولنشدر .

ایجابی لدی المذاکره اعلام مذکور مطالعه سندن مستبان اولدینی اوزره اراضی قانوننامه سنک اوتوز التتبی ماده سنده محرر اولدینی وجهله مرقوم خور- شید منازع فیه ترلانی صاحب ارضک الضمام رأیله تفوض ایجابی خارجاً اشترا ایلدیکی اکلاشلمقده اولسنه وبومقوله صاحب ارضک اذنی منضم اولقسنزین وقوعبولان معاملات فراغیه کأن لم یکن حکمنده بولنسنه بناءً مرقومک بوبادهکی ادعاسنک ردینه قرار ویرلک اقتضا ایدر ایکن خلاف قانون اولهرق معامله واقعه سنک معتبر اولدیغنه قرار ویرلسی یولسر ومغایر قانون بولنشن ومستدعینک باشلوجه اعتراضی بوجهته متدائر اولهرق شایان قبول کورنشن اولدیغنه بناءً اصول محاکمه حقوقیه قانوننک ایکویز اوتوز ایکنجی ماده سی موجبنجه اعلام مذکورک تقضیه قانون مزبورک ایکویز قرق بشنجی ماده سی حکمنه توقیفاً کفیتک بروجه مشروح بالرقیه اعلامه ربطی ضممنده محکمه مذکوره یه اعاده سنه واچیوز سکسان سکر بیجی غرض مشارف تمیزیه نک ایلروده حقسنر چیقه جق طرفه عائد املوق اوزره اول امرده مستدعی تمیز - دن اخذینه ۲۱ تموز سنه ۳۱۷ تاریخده متفقاً قرار ویرلدی .

قره مانلی قریه سندن قولای اوغلی کریمک مخدومی عثمانی قتل ایلدیکی ادعا اولنسندن دولای جنایتله اتهام اولنان قریه مرقوملی عمر بن قره جه حسینک اون بش سنه مدته کورکه قولنسنه دائر بوردور سنجانی بدایت محکمه سی جزا دایره سندن ویریلان ۵۵ نومرولی اعلام محکمه تمیز جزا دایره سنجه تصدیق اولنشدر .

~~~~~

کوردوس قصبه سنده مقیم وصفی افندی بی قتل ایتمسندن دولای جنایتله اتهام اولنان قصبه مذکورلی اون درت یاشنده عثمان بن سلیمانک صغر سنی حبسیله قرقنجه ماده قانونیه یه توقیفاً بش سنه مدته کورکه قولنسنه دائر صاروخان سنجانی بدایت محکمه سی جزا دایره سندن ویریلان ۲۸۶ نومرولی اعلام محکمه تمیز جزا دایره سنجه تصدیق اولنشدر .

~~~~~

کیوه قضاسنک طراقلی ناحیه سنه تابع باش ویران قریه سندن حاجی عثمانک خانه سی باصهرق نقود واشیای سائرهنی اخذ وسرقت ایلدکلی ادعا اولنسندن

دولای جنایتله اتهام اولنان اضرورملی درویش بن یوسف وفهم وسیواسلی غریب بن سلیمانک اوچر سنه مدته کورکه قولنلریه دائر اذمید سنجانی بدایت محکمه سی جزا دایره سندن ویریلان ۳۵۷ نومرولی اعلام محکمه تمیز جزا دایره سنجه تصدیق اولنشدر .

~~~~~

قوجانه نک ونجه قریه سندن متره ولد میثون وزوجه سی صولتانو بنت میخائل ایله قسطنینک زوجیه سی دیگر صولتا نونک اشنبده حزه محله سنده کورکینک خان سنده امانه ترک ایش اولدقلی اون درت بیجی دنک اشیاسنی سرقت ایلدکلی ادعا قلنمسندن دولای جنایتله اتهام اولنان وارصو و آندون ایله رفیقنلرک اوچر سنه مدته کورکه قولنلریه دائر قوصوه ولایتی استیناف محکمه سی جزا دایره سندن ویریلان ۱۴۴ نومرولی اعلام محکمه تمیز جزا دایره سنجه تصدیق اولنشدر .

~~~~~

بک اوغلنده مسک زقاغنده مقیم موسیو آندریانک خانیه سی قپوسنی آلت مخصوصه ایله آچهرق فصل سرقه تصدی ایلدکلی ادعا اولنسندن دولای جنایتله اتهام اولنان مرقه لی میتا ولد باسقال و آتلی کریاقو ولد لئونیدانک اوچر سنه مدته کورکه قولنلریه دائر درسعادت جنایت محکمه سندن اعطا قلنان ۱۹۱ نومرولی اعلام محکمه تمیز جزا دایره سنجه تصدیق اولنشدر .

~~~~~

نوره قوبک عمارت محله سی اهالی سندن مصطفی اغانک خان سنه آلت مخصوصه استعمالیه بالدخول اشیا واقعه سی سرقت ایلدکلی ادعا اولنسندن دولای جنایتله اتهام اولنان اساعیل بن محمد وشعب بن عبد اللهک اوچر سنه مدته کورکه قولنلریه دائر سیروز سنجانی بدایت محکمه سی جزا دایره سندن ویریلان ۱۰۲ نومرولی اعلام محکمه تمیز جزا دایره سنجه تصدیق اولنشدر .

~~~~~

خلیل ابراهیم اوغلی حسینک اوکنه چیقهرق نقود واشیای اخذ وسرقت ایتمسندن دولای جنایتله اتهام اولنان مغله لی طویل عمر اوغلی حسینک آلتی سنه مدته کورکه قولنسنه دائر منش سنجانی بدایت محکمه سی جزا دایره سندن ایکنجی دفعه اولهرق ویریلان ۵۵۶ نومرولی اعلام محکمه تمیز جزا دایره سنجه تصدیق اولنشدر .

~~~~~

## ۱۲۱ نومرولی نسخه ده مندرج درسعادت جنایت محکمه سی اعلامنک مابعدی :

شاهد یانغالتیده یار زقاغنک بکجیسی اولوب مذکور زقاغده باراقده مقیم یولنان قوری چایی اوتوز سکر یاشنده شعبان اغا ابن عمر، وقعه کیجه سی ساعت اون راده لرنده برای وظیفه زقاغده طولاشقده ایکن ایشتدیکی بر صدا اوزرینه کیدوب یاقدیغنده نیقولای اولدیغنی صکره دن طانیدینی شخصک یار زقاغنده استراطینک خانیه سی قپوسنی دپمه لدیکی کورمکله تقرب ایدرک مذکور خاننک آرقه طرفندن دومان چیقهرقده اولدیغنی مشاهده اتسیله در حال خان قپوسنی قیرهرق ایچرویه بالدخول مطبخک اوست طرفنک یاتمده اولدیغنی کوردیکی وهان قره غوله کیدرک اخبار کیفیت ایتدیکی مضبوط افاده سی وجهله یاد وعندالاستفسارخانه ده غاز قوقوسی حس ایتدیکی و آتش خاننک اوست قاتنه سرایت ایش بولندیغندن یوقاری یه چیقه مدیغنی و آلت قاتنده اشیا کوره مدیکی ومتهملک دکاننده درت بش عدد بوش شراب فوجی سندن ماعدا اشیا بولندیغنی و ذاتاً مرقوم استراطی برخیلی وقدنبرو دکانی سد ایدوب اخذ واعطا ایتزایدوکی وحقنده شهادت ایلدیکی مرقوم استراطینک حضور محکمه ده کی متهملک ایدوکی وانشای حریقده مرقومی اوراده کورمدیکی کی حریقندن مقدم دخی کوره . مدیکی ایراد ایله بوشاهدک دخی ذات وشهادتنه نهدیه جکی متهملک صورلدقده سبب بیان ایتیه رک قبول ایتیه جکی سولیدی .

شاهد دولاب دره بکجیسی قوری چایی اللی یاشنده ایوب اغا ابن حسین، حریق کیجه سی زقاغده بولندیغنی انشاده یانغین وار دیو وقوعبولان فریاد اوزرینه اول طرفه طوغری کیدوب یاقدیغنده یار زقاغنده برخاننک یاتمده اولدیغنی کوردیکی ومحل مذکورک کندی محله سی داخلنده اولدیغنی اجلدن محل حریقده کیتمدیکی ومذکورخاننک کورجی استراطینک اولدیغنی صکره دن اوکر ندیکی مضبوط افاده سی دایره سنده اخبار ولدی الاستیضاح وقعه دن بر چاریک قدر مقدم مرقومه دولاب دره سنده سلخخانه لرک اوکنده تصادفه ایرکندن کورالمغی کیدیورسک دیو وقوعبولان سؤالنه مرقوم جواب وبرمکسین کجوب کیتدیکی وتصادف ایتدیکی محل محترق اولان خاننک رداستی ایدوکی ومتهملک مرورنی معقب حریق ظهور ایتدیکی ومرقومک دکاننده اموالی اولوب اولدیغنی بیلمدیکی وحقنده شهادت ایلدیکی استراطینک حضور محکمه ده کی متهملک ایدوکی تذکار ونهدیه جکی متهملک صورلدقده یانغین کیجه سی

شهود مرقومه نک مصارف جلیه سی متهمه راجع اولدینی حالد متهم مرقوم طرفندن تسویه ایلدیکنندن محکمه جه جلب اولندیغنی وحاضر بولنان معاون مومی ایله دخی جایی طلب ایتدیکی کی اظهار حق ایچون طرف ریاستدن دخی تنسیب قلناماشدر . (مابعدی صکره یه)

~~~~~

کوچک چکمه قضاسنک قسطورینا چفتلیکی اوکنده محمد واحدی قتل قصدیه وروولورقوروشونیه جرح ایتدیکی حالد اسباب مانعه حیولتیه ماده قتل فعه ایصال ایده مدیکی ادعاسیه متهمل اولان مصطفی ایله مرقوم مصطفای بیله رک اخفا ایتدیکی ادعاسیه جنجه درجه سنده لزوم محاکمه سنه قرار ویریلان پترونک اجرا قلنان محاکمه علیه لری نتیجه سنده مرقوم مصطفانک احمدومحمدی جرح ایتدیکی وپترونک دخی مرقومی بیله رک دکاننده اخفا ایتدیکی شاهد لرک شهادتی ومعاینه راپوری مندرجاتی ومتهمل مصطفانک عقیب وقعه ده فرار ایدرک پترونک دکاننده در دست اولنسی وروش افاده لری ومتهملک دردسته دائر اولان ضبط ورقه سی مالی ودلائل سائر ایله ثابت اولدیغندن اولوجهل مجرمیتلریه وقانون جزانک یوز سکسانجی ماده سنه توقیفاً مصطفانک اوچ سنه مدته کورکه قولنسنه ومصارف جراحیه نک کندوسندن تحصیلنه وپترونک قانون مذکورک یوز یکرمی برنجی ماده سی منطوقنجه التی آی مدته حبس ایدلسنه ۲۶ تشرین ثانی سنه ۳۱۸ تاریخده محکمه جنایتجه قرار ویرلشدر .

~~~~~

علی رضا بکه اطالیه لسان ایدن لاله لی جامع شریفی قارشوشنده قهوه چی سعید اغادن یارم آتون جزای نقدی آلتسنه زوجیه سی حفیظه خاتونی ضرب ایدن اسکی علی باشاده ساکن کبابچی ابراهیمک برهفته حبسنه بلاطده تحته مناره جوارنده مرانقوز چراقلنی ایدن دیمتری ولدخرمبلوئی ضرب ایلدیکی ادعا قلنان هابم ولد میثونک بریجی آی حبسنه طااطواله لی الینک زوجی یانی ضرب ایلدیکی اصولاً ثابت اولدیغندن برهفته حبسنه

یکدیگری ضرب ایدن ساقز اغاجنده ساکن کورجی ارکرو ایله فراقولینک بر هفته حبسلریه بلاطده مقیم قولتوقچی یاقوبی ضرب ایلدیکی ثابت اولان قایقچی اساق ولد مناهمدن برلیرا آتون مضروبه ویرلسنه

دوکه چی شریفی ضرب ایدن عزب قپوسنده ساکن وانی محموددن بر آتون آتوب شریفه اعطاسنه

مکتب قالفه سی نیقولی بی ضرب ایدن غلطده بالقی بازارنده ساکن طالعج مانولدن بر آتون آتوب مضروبه اعطاسنه بصدریره چی یورکینک قوطوجی خانی اوطه باشینی ملتوسه اطالیه لسان ایلدیکی ثابت اولدیغندن برلیرا جزای نقدی آلتسنه برادری لوتره اطالیه لسان ایدن بقال لازاریدن برلیرا جزای نقدی آلتسنه

صایته ده ساکنه دهاتریک قادینه حرف اندازلنی ایدن قهوه چی چراغی خرسنو ولد ایتیم ایله حاضر البسه چی طنش ولد آتدونک یکرمیشیر کون حبسلریه دقتسزک اثری اولهرق طلعت نام چوجنک مجروحیتنه سببت ویردیکی ثابت اولان آراهه چی طلعت اغانک اون بش کون حبسنه

مکتب طلبه سندن حسین افندی نک اوطه سندن اشیا سرقت ایدن سقا باشی زقاغنده مقیم مصطفانک اوچ آی حبسنه وختام مدتنده ضابطه جه کفالت آلتنه آلتسنه

اوپه میتانک موقوفندن ایستیلویه اشیا یتیموه ایصال ایلدیکی ضبط ورقه سی مندرجانیله ثابت اولدیغندن حبسنجه لر نظامنامه سی حکمنه توقیفاً مرقومدن بش یشک جزای نقدی آلتسنه

عشاقلی علی افندی نک احمد افندی بی ضرب و جرح ایلدیکی ثابت اولدیغندن مومی الپدن بر آتون آتهرق مضروبه اعطاسنه

مطبعه چی آراکل افندی یه اطالیه لسان ایدن سیار کتابچی قیرشهرلی محمد بن مصطفانک یکرمی کون حبسنه

جمال نوری بی ضرب ایدن قاضی کوی ضبطیه طلومبه سی رئیس زهدی اغانک اون کون حبسنه ادرنه قپوسنده مقیم محله بکجیسی خلیل اغانک محله مذکورلی ناحیه خانی ضرب ایلدیکی اکلاشلده یغندن مرقومدن بر آتون آلتنه رق مضروبه یه اعطاسنه درسعادت وبک اوغلی بدایت محاکمی جزا دایره لرجه قرار ویرلشدر .

## محاکمات جنایتیه

مجد اوزی قضای بدایت محکمه سی اعضاسندن نشان ومدعی عمومی معاونی وکیل قومیسر ماهر افندیلرک هپسار اوغلی اوخانی ضرب ایتدکلی اخباراتله ثابت اولدیغندن جرائم شخصیه دن اولان فعل مذکوردن طولای علی الاصول مرجعنه محاکمه لرینک اجراسنه مآذونیت ویریه رک سیواس



استیناف محکمه سی مدعی عمومیلکنه تبلیغات مقتضیه اجرا ایدلمشدر .

## اعلانات

ارضروم استیناف محکمه سی مدعی عمومیلکننده :

تورثوم قضا سنک فورکر قریه سندن استینه نک خانه واشیاسنی احراق ایتلرندن دولای مطنون علیه بولسان قریه مزبورده لی احمد اوغلاری نظمی ومصطفانک فعل مذکوره مجاسرتله فرار ایتدکلی اولباده کی اوراق تحقیقه مألندن اکلاشلمش وحرکتلی قانون جزانک یوز التمش دردنجی ماده سی حکمی مستلزم مواد جنائیه دن اوله رق ارضروم استیناف محکمه سی جزا دائره سنده محاکمه لری اجرا قلنمق اوزره جنایتله اتهاملرینه قرار ویرلش اولدیغندن مرقومانک هرزه ده کوریلور ایسه لر دردستله محکمه مذکوره توقیفخانه سنده تسلیم ایدلملری لازم کله جکی بالجله ضابطه عدلیه مأمورلرینک معلومی اولمق اوزره اشبو اخذ وکرفت مذکره سی ارضروم هیئت اتهامیه سندن بالتنظیم اعطا قلندی .

ارزنجانک بولانق قریه سی یا بلا سنده رعی ایدلمکده اولان اوچوز رأس اغنامنی غضب ایتلرندن طولای مطنون علیه بولسان پلومر قضا سنک قاریکانلی حسن و آغاشلکی قریه سندن حسین بک اوغلاری حیدر ومصطفی بککک خدمتکارلری اشقیادن وبلواوغلی قبر ومصطفانک فعل مذکوره مجاسرتله فرار ایتدکلی اولباده کی اوراق تحقیقه مألندن اکلاشلمش وحرکتلی قانون جزانک التمش ایکنجی ماده سنک علاوه سی حکمی مستلزم مواد جنائیه دن اوله رق ارضروم بدایت محکمه سی جزا دائره سنده محاکمه لری اجرا قلنمق اوزره جنایتله اتهاملرینه قرار ویرلش اولدیغندن مرقومونک هرزه ده کوریلور ایسه لر دردستله محکمه مذکوره توقیفخانه سنده تسلیم ایدلملری لازمکله جکی بالجله ضابطه عدلیه مأمورلرینک معلومی اولمق اوزره اشبو اخذ وکرفت مذکره سی ارضروم هیئت اتهامیه سندن بالتنظیم اعطا قلندی .

کینی قضا سنک ملا عمر قریه سندن هوبدی اوغلی خلیلک قتلندن طولای مطنون علیه بولسان کنج سنجاغنه تابع کونیک ناحیه سنک یوز التمش قریه لی سلیم اوغلی شعبانک فعل مذکوره مجاسرتله فرار ایتدیکی اولباده کی اوراق دعوی مألندن اکلاشلمش وحرکتی قانون جزانک یوز التمش دردنجی ماده سی حکمی مستلزم

مواد جنائیه دن اوله رق ارضروم استیناف محکمه سی جزا دائره سنده محاکمه سی اجرا قلنمق اوزره جنایتله اتهامیه قرار ویرلش اولدیغندن متهم مرقومک هرزه ده کوریلور ایسه دردستله محکمه مذکوره توقیفخانه سنده تسلیمی لازمکله جکی بالجله ضابطه عدلیه مأمورلرینک معلومی اولمق اوزره اشبو اخذ وکرفت مذکره سی ارضروم هیئت اتهامیه سندن بالتنظیم اعطا قلندی .

ایکنجی تجارت محکمه سنده :

استانبولده چقور خانده (۲۸) نومرولی دکانده مقیم ایشله مهجی آذیف کولزیانک ۲۶ تشرین ثانی سنه ۳۱۸ تاریخندن اعتباراً اعلان افلاسنه ومصالح افلاسنه نک رؤیت وتسویه سی ضمننده اعضای محکمه دن سعادتلو جمیل بکک ژور قومیسر ودعوی وکیللرندن آرتین قیصریان افندینک موقت سنندیک تعیینلرینه ومغازه سیله خانه سنده کی اشیای زائده بیتیه سنک تمهیرینه واوراق ودفاترینک جلبنه وکفیل ارانه ایده مدیکی حالده حبسنه وبوبایدکی قرارک موقه اجراسنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سنندیکلر انتخاب اولنمق اوزره [۱۱] کانون اول سنه ۳۱۸ چهارشنبه کونی ساعت سکرز راده لرنده اصحاب مطلوبک محکمه مذکوره نک افلاس اوطه سنده کللری اعلان اولنور .

محکمہ تجارت احرار ارضروم سنده :

انکلتزه دولتی تبعه سندن مادام قانزوقک میشل حچار افندی ذمتنده اولان مطلوب محکمونک تأمین تسویه سی ضمننده مدیون مومی الیهک متصرف اولوب ظاهرأ صورت قطعیه ده اوله رق عزتلو مصطفی ثریا بک نامنه مفروغ و حقیقتنده مرهون بولسان بک اوغلنده حسین آغا محله سنده بک اوغلی جاده کیرنده واقع آلتنده مکرر یوز التمش سکرز نومرولی بر باب بیرا خانه ایله ایک باب دکانی ودرونده (۶) ، (۷) ، (۸) ، (۹) ، (۱۰) ومکرر (۱۰) و (۱۲) ، (۱۴) ، (۱۶) ، (۱۸) ، (۱۹) و (۲۰) نومرولر ایله مرقم مطبعه ودکا کینی وبونلرک فوقلرنده (۱) ، (۲) ، (۳) ، (۴) ، (۵) ، (۶) ، (۷) ، (۸) و (۹) نومرولر ایله مرقم طقوز باب آبارتمانی ومشمولات سائرہ بی حاوی مجموعی سنوی بیک التی یوز لیرا ایجار کتورر معلوم الحدود (۱۵۸) نومرو ایله مرقم حلب چارشوسو نامیله معروف کارکیر عقار فضلہ بدل رهندن داینه مومی الیهانک آلاجنی تسویه ایدلمک اوزره بوندن اقدم موقع مزایده قونیله رق (۱۸۵۰۰) عدد عثمانلی لیراسی

بدل ایله طالی عهده سنده قالمش وتاریخ اعلانندن اعتباراً اوتوز برکونه یعنی کله جک کانون اول رومینک اوتوز برنجی صالی کونی ساعت اونه قدر یوزده بش ضم قبول اولتسی و ذکر اولنان یوم وساعته صوک مزایده سی بالاجرا قرار قطعیتی ویریلرک طالی عهده سنده کچورلمسی مقرر بولنش اولدیغندن و آندن صکره هر نه ضم وقوعبولور ایسه قبول اولتیه جغندن مع مشتملات مذکور چارشویه یوزده بش ضمیمه طالب اولانلرک ودها زیاده معلومات آلق ایستیانلرک مدت مذکوره ظرفنده پی آچقه سیله برابر محکمه تجارت اجرا دائره سنده مراجعت ایللری و یوم ووقت مزبورده مذکور چارشو پیشگاهنده مأموری مواجهه سنده حاضر بولملری اعلان اولنور .

فی ۳۰ تشرین ثانی سنه ۳۱۸

در سعادت اعمومات نظامه اجرا دائره سنده :

آپوستولک محمد جودت افندی ذمتنده آلاجنی اولان مبالغک تأمین استیفاسی ضمننده مرهون وفروختی محکوم بولسان جنبرلی طاشده اوزون شجاع الدین محله سنده بیکخانه زقاغنده واقع یوز التمش ایک ذراع عرصه اوزرینه مبنی درت اوطه و آلتنده براب قهوه دکانی ومذکور دکانک آلتنده بودروم ایله آلتمش درت ذراع باغچه پی مشتمل اون طقوز نومرولو خانه ومشمولاتنک نصف حصه سی بالمزایده لیرای عثمانی یوز غروش حسابیله التی بیک غروشه طالی عهده سنده تقرر ایدرک موقه قرار داده سی کشیده قلنمش اولدیغندن یوزده بش ضم ایله زیاده طالب اولانلرک اوتوز برکون ظرفنده پی آچقه لریله برابر در سعادت اعلامات نظامیه اجرا دائره سنده مراجعت ایللری اعلان اولنور .

کلیک قضاسی بدایت محکمه سی تجارت قسمنده :

کلیک قصبه سنده فوچی اعمالیله اجرای صنعت وتجارت ایتدکده ایکن تجارتکاهنی ترک و دیوناتی عدم تسویه ایله فرار ایدن وزده اولدینی مجهول بولسان یورکی آمیراداکینک وقوعبولان اخبار اوزرینه محکمه تجارتجه اصول محاکمه نک ۱۴۷ نجی ماده سی موجبجه موقه افلاسنه واعضای موقته دن حسن افندینک ژور قومیسر تعییننه وبالجله اموال واشیاسنک تحت محافظه آلنه رق تمهیرینه قرار ویرلیدیکی اعلان اولنور .